

乾隆烏程縣志

石縣志卷之七

人物

本朝

姚延敬字季迪號敬存烏程人舜牧孫順治己丑進士授稷山令
報最擢給諫歷掌戶工吏三垣封章剴切皆關治體其疏草木
籠一事尤加意懇四

康熙烏程縣志

姚延著字象懸號榕似與兄延敬同登進士時粵東西未入版圖
簡新進士爲知府授慶遠府改柳州八年始之治所撫流移安
反側以幹辦稱軍中多濫獲邀功爲救解全活甚衆李定國陷
柳州被執不屈薦桂林尋得免調平樂府陞山東運使轉廣東
叅政獲寇竄焚軍時往諭衆受約束退江各洞以次消弭陞江
南按察使海寇授江寧獄起冤繫數百人誣者立釋陞河南
布政某提督修舊怨陷於死民爲罷市

蔣伊姚方伯傳

姚延儒字爾真烏程人舜牧孫由拔貢順治五年陞南漳縣有清
惠聲逆賊郝播旗等陷城被執罵不絕口死之賜祭葬贈按察
使僉事

湖廣通志

陳贊字陸又烏程人順治己丑進士時粵地未定贊慷慨從征不
久後叙任道南道處備兵清泉政績炳著

乾隆湖州府志

顧沐初字西及時置陽烏鎮人順治己丑進士授上津令上津固
舊邑重以賊寇之亂城郭盡燬邑無居人隣境縣令皆寄居鄖
陽顧初以道至明營城屋建廬舍招流亡有遺孽在谿洞間
勸兵勸捕賊盡巡行由岩課農桑平徭役進諸生講課弦誦盈
境內士民有疾親授方書禁淫祠遂變楚俗撫按交薦行取刑
曹主政多所平反歷部郎左遷已而補稷山令邑無留獄禁科
派或以舊規請厲聲叱之後以誼悞解職歸

烏青文獻

陸彪字緇公烏鎮人順治己丑進士歷廣東韶州知府時省會未

開一切軍需取給南韶二府上臺俱駐劄韶城各府州縣有
以軍需被百人彪拮据軍需酬酢賓客安輯兵民撫軍以清勤
丁銀歸補雷州府雷自明季兵火城中皆瓦礫驕將悍兵危
集甫下車卽與鎮弁約兵有非法殘民者其治之荒殘之餘振
興人才以安反側王之翰據廣州與弟之鑑表弟黃占三爲害
彪探知占三之鑑有隙間之占三降遂進勦生擒之鑑之翰窮
亦降皆撫叙首功時雷郡久罹兵燹一望石田部據原額以考
成彪屢請撫軍寬得蠲八徵二至今官民沾恩

同上

沈煒字蘊公順治己丑進士授行人特簡主考功值計典正副郎
皆缺煒兼之爲掌宰王鑑山所稱典泰試補文選郎定銓法祛
宿弊時有冰鑑之譽

康熙烏程縣志

吳世祺字潛吾歸安諸生居烏程青山見義必爲救急撫孤寡明
末奇荒多方賑救全活甚衆郡邑兩請賓筵

同上

吳時宣字元爽父世祺被盜執號泣請代得免表弟負官逋傾囊代償與凌忠介溫寶忠善寶忠殉節新安時宣扶輓歸往返任勞費人皆義之

乾隆湖州府志

朱翰字公荃烏程諸生國初歲祲屢出粟賑濟郡守旌其門橋梁道路率先捐助姻黨婚喪皆賴之以濟

同上

黎樹盤字仲實烏程人丁卯舉人任福州司李署興化府篆海寇破城不屈遇害事聞賜祭葬贈按察使僉事廕一子

康熙浙江通志

閔亥生字未孩烏程人如雲元孫弱冠舉崇正壬午孝廉康熙戊辰選陝西西鄉縣時滇黔亂後流亡未復亥生加意拊循詳請蠲新墾稅銀并茶課銀前令三人坐逋賦二人已死一人尙坐繫亥生設法賠補得釋歸會有誣搆於上官者遂解官亥生癸未封策極言柄臣賣國督帥主撫不戰之罪考官怒擲之地下

亥生又草封事數千言陳勦撫大略願獨當一而効死行間

注之者不果上 乾隆湖州府志

潘章字端伯烏程人仲驂曾孫裔于兵燹之際有婦女數十爲亂
兵所掠章設計保全之當歲貢以義讓其友無德邑國初貢成
均者到監卽授縣令章以親老辭後撫藩訪其學行疏薦爲司
理亦不就家居讀書砥行與弟曾綰曾紱白首友愛無間言上同
潘廣福字受先李明曾孫順治辛卯魁于鄉士上公車屢薦不售
選嘉興府教授以身示教士民不變辛酉分校閩閩得人最盛
制府李文襄公之芳特薦未及遷擢卒同上

潘宏略字子鵬李明曾孫幼失恃撫攜仲弟白首無間言同上

董漢策字惟儒號芝筠宗伯份元孫父早歿攻苦讀書潛心理學
事母盡孝庚辰大饑倡始議賑乙酉變作與同里修保障拒賊
北港大兵抵潯民震恐急詣軍前止弗來潯卒無恙當事將列
薦以母老辭庚戌江浙大水范忠貞公時撫南浙訪求荒政以

改折糴和緩征平糴諸議進悉舉行壬子詔舉賢良方正忠貞
公論薦以科道員缺試用蜚語旋作荷昭雪釋放還鄉鍵戶著
書以羽翼六經爲務

梅林董氏語

費景燮字理之烏程人太學生舊例士民同役兩不相能燮倡議
自運邑宰王夢龍俞其請明季重役累民上夏稅要言白糧痛

哭錄

康熙烏程縣志

凌焜字旣白烏程人順治戊戌進士仕皖江司李每夜秉燭平反
唯恐失入有宣城富民被誣暮夜投金焜正色却之及廷鞫無
辜竟爲巾雪在任六載勞瘁卒於官

浙江通志

費源字星來烏程人康熙乙丑進士授中書改嘉興府教授弱冠
時祖被命案牽累源刺血具呈郡守感動寃遂得自父年老
子未週庶母亡源屬妻乳哺撫育勝己子長而均分已產不
與時捐俸以給貧士課士寒暑無輟

同上

子丹度號萊園康熙庚戌進士任東明縣令北方賦輕役重
丁口無定額奸胥得上下其手時值編審裴釐剔積弊老弱悉
免民不敢欺戶口反大增舊例編審派里役供應裴魚餐脫粟
皆出署中筆札亦不以累民其催科取一年課額而四分之取
一季課額而十分之立限分單限寬而輪納爭先不煩敲朴日
抵哺士子士風日上革火耗豁寬缺崔荷不敢犯境以清勤卒
於官士民泣送者百里

東明縣志

李虎原任太湖縣把總康熙十三年秋逆犯顧山寇橫行奉調往
恢復諸僑縣暫賊首翁禹鈞攻向天嶺被紫閣山擒賊首朱德
甫破楊塘關十八懸基隨破楓橋十四年奉 和碩康親王調
遣補援勦營千總破緝雲縣破姚花嶺攻楊梅園復松陽縣是
年十月九日與賊戰于石塘中流矢被擒大罵不屈就刀卒死
子李岳亦刀折左臂十五年督臣李之芳題報給功牌賞卹銀

一百五十兩磨子弟一人以衛子總補用崇祀忠孝祠

潘儼思字孟瞻號莘田烏程人裔孫康熙壬子副貢以文行見稱

游京師合肥李相國令其子孚青受業師範卓然相國器重之

後孚青入翰苑相國將薦京秩辭不應選山東霑化令以儒術

歸吏治教化大行收湖廣竹山令不合上官左遷歸田後四壁

蕭然山東祀名宦

在修湖州府志

汪以澄字啟遠號初菴康熙壬子舉人歷官刑部郎中林居二十

餘年好義樂施捐祭產周卹親黨凡貧不能葬及壯未室者悉

資助之振飢施棺修學宮補祭器夏施帷帳冬給棉衣濬川渠

葺善舉善行載省志著麟經標旨燕翼堂集崇祀鄉賢

同上

者宗達字嗣良烏程人康熙乙卯舉人恭儉仁恕力追古道

漢文翁選學波教授浮沉冷署四十年將授縣令年踰九十

力尚壯康熙丁酉赴京引見上問其年對曰上有萬歲

下有百歲老臣 上大悅欲給以知縣俸令優游歸老宗遂復
奏曰臣尙堪報效不敢虛糜天祿特授兵部武選司主事卒其
型家課子俱有法度 同上

費之達字九鴻號風山烏程人少孤事母孝康熙壬子舉浙開第
一丙辰成進士改庶吉士歷編修己未充會試同考官乙丑廷
試詞臣對品改調歸家杜門却輿講求播穫耕斂之法芒屨竹
杖循行阡陌間不知爲薦紳先生也林下三十餘年於地方有
司不輒投一刺有就見者亦疾辭自題客座曰香山娛老唯開
社彭澤辭官只種田又好行任郵撫孤貧助喪葬康熙戊子歲
飢請于當路倡賑救災全活無算 同上

姚延達字爾發烏程人舜牧最幼孫早失怙恃哀毀如成人言動
悉稟祖訓鍵戶清修規言矩行宗黨引爲矜式 同上

姚淳起字子雲延著子貢成均考選第一會七閩告警赴軍前効

用時福建諸郡山寇竄發大帥假以便宜單騎入賊巢諭以禍福咸投戈聽命錄功授廣東開平令課農桑興學校不數月邑大治不善事上官掛冠歸長子德輅字商又以貢授紹興司訓造士修學勗于其職補龍游奉養賑荒著有勞勩

同上

姚淳顯字子潛延善子慷慨嗜義有至戚為匪人所陷戍邊淳顯保護其子女家得不破又曠名家女於貧室備奩具歸其父任中書舍人卒子官季弟淳恪字子莊爲昌樂令蠲兩稅耗羨民困以廼時常編徭以田定戶以戶定役凡未成丁者孤疾婚喪者免其到官四晝夜而事竣吏無容奸民深德之昌樂祀名宦

湖郡祀鄉賢

夏馴字文茵烏程人康熙戊午薦鴻博不及試與趙黃門吉士友善吉士令交山有巨寇蟠踞爲民患設方略討平之馴與有力焉文工辭體清壯頃拙晚節詩益豪宕悲壯

同上

原廷瓚驥村人震直裔孫父嘗責姪某過啣之況之水瓚甫二齡
母朱氏撫之稍長泣述父冤死狀年十六控父冤某論斬賄脫
瓚奉母逃雉城爲蒙師有欲以女與之者不應又十載謂母曰
兒年二十八矣父讎未報更奚待號慟累日托辭歸里適里中
演劇某在侍伍中瓚出錢甲奔奮擊之中腦腦裂復碎其頸斃
焉遂擲斧入都自首邑令高必勝憫其志欲生之上其事而瓚
竟卒於獄

康熙烏程縣志

陳謨字蘭圃烏程人子英子少失恃值土寇抱主播遷不離墓所
父老時邀親知以詩酒娛其志歿則廬墓康熙己未舉鴻博不
就縣令高必勝勸修邑志

同上

戴綬字繡臣烏程人康熙辛未進士選庶常歷官侍講分校禮闈
視學京畿以勞瘁卒於官性忼爽久困諸生舌耕以養母事堂
兄無間言兄歿恤養撫孤

同上

費金天字虹渚之達次子金吾兄少入成均兄弟俱登仕版金天獨恬退色養親歿廬墓三年妻早卒不續娶稱義夫捐產立義學於道場山仍置生生產贍給宗族

費金吾字曉亭烏程人康熙癸酉舉人授桂林府同知除積弊及築權隕規陞永昌府同知疏溝渠築堤堰開新河捐置義田義學還鳳陽知府歲飢發倉平糶晉江西糧道向例日用取給漕項耗羨及兌發餘平金吾悉除之陞陝西按察使河南布政調山東巡撫事豫省不知蠶著蠶桑輯略頒布郡邑雍正四年黃河泛溢捐俸二千金賑濟疏排淤淺數月訖工陞湖北巡撫未任卒

浙江通志

潘美發字彥徽廣福子父子兄弟間自相師友讀書祇行皆有程範於宗族交游間敦尚氣誼口不言財入都門巨公慕其詞翰爭延禮之以母老亟歸康熙己卯舉於鄉考授中翰

乾隆湖州府志

潘發英字彥昭廣福子少以博雅稱蓄書數千卷手自校勘尤究
心理學經濟熟諳前朝掌故內行修謹臨財不苟樂成人善教
子敦實學鄉邦徵文獻者時造請焉 同上

潘成雲字仲謀烏程人康熙庚辰進士授臨城知縣密邇畿輔旗
民雜處開誠布化一年頌聲作以捕蝗勞瘁卒於官生平喜引
掖後進嘗詳考程安德三縣浮賦源委作條議上之當事其蒞
民鞭朴不輟施有百積吏風 同上

潘開甲字東陽烏程人幼無戲言及長有志聖賢於洛閩諸書潛
玩實體旁通天文地理河渠之學不妄交遊遇有道博雅商訂
不倦晚以明經優選學博在 同上

凌應揆字端臣昆子康熙癸未進士選衢州教授家居不通干謁
遇公事侃侃直陳人有冤抑陰爲排解不令知也兄弟五人白
首友愛仲弟應敬字會侯幼哭父嘔血與兄應揆孝事孀母五

十餘年郡守曹掄彬舉鄉飲賓

同上

溫府臨字令貽烏程人以詩古文名性忼直好面折人過游京師卿相皆敬禮之康熙乙酉舉北闕熱岡舉軼事所至博訪考覈

異同成一家言

同上

沈斯材字天培烏程人康熙戊子舉人績學敦行創希賢社互相規勸後學爭遵其門造就頗衆

同上

陸國榮北河村人康熙丁亥六月舟楊疾亟國榮于二十八日夜割肝以進次日辰刻創甚死時年二十四葬翳字一圩邑令吳

崑給福曰奇孝孤行

吳甫集

沈世德字晉公烏程人隱居具區之濱詩文高古品詣孤介厄窮以老

乾隆湖州府志

姚德基字履東烏程人以貢授海豐令值亂後招徠流亡開荒田千餘頃捐俸塾正課禁民溺女海豐祀名宦弟德堅字良南任

蕭山訓導入爲工部主事歷戶兵二部郎中出知柳州府有
頭石姓陰結官府恣行不軌德堅誘斃之蠻獠憐服會歲祲便
宜開倉平糶忤上司歸

同上

董炳文字耿光烏程人性慷慨戚友緩急無弗應解紛息訟不避
怨言中年家落有告急者必委曲濟之

同上

潘養泓字融谷明侍御士遠曾孫爲諸生至性孝友家貧舌耕盡
養數十年不辭勞瘁母溫氏歿後喪殮俱罄修資獨任不以
及弟父兄未嘗違違離京都五六年錙積脩脯歸葬傾囊出之
妻子單寒不計也諸弟婚娶皆前後倒囊成就之無難色督課
兩弟養泓養濱游庠塾其成立如父望子諸弟見之如嚴師焉
撫諸姪如己子凡其所爲皆根血性不求人知

潘氏族譜

潘夢槐字蘭生烏程人章孫少孤讀書自立季弟穎新早卒撫孤
姪江如已子家酷貧甘苦共之訓誨無間

乾隆湖州府志

董允文字斯在烏程人少孤事母至孝兄歿遺孤十齡爲之教養

婚娶已丑歲飢允文率先典貸賑給二日由是施者接踵

同上

周允成字子範烏程人賦質端厚其學不事口耳以力行爲本奉

小學家禮爲繩尺讀書有得卽劄記之可易禮記錄尤多

同上

朱光斗字寶文烏程人年六十居繼母喪猶作孺子慕遇嘉言懿

行輒錄置壁間省覽兼通邵子範圃理數卒之日預刻日期

同上

陳治隆字子斯烏程人少孤貧傭書以養母一絲一粟必奉母歡

嘗置小冊案頭舉念有纖惡必書以自警

同上

張子元字聖皓號櫻園烏程人至性真慈跬步端方家劇貧織芥

不苟取常得路遺金兩次俱尋還其主父之旄繼母薛氏守節

四十餘年舌耕孝養存歿盡禮與兄明範白首同爨極盡友恭

型家醅肅內外無間言居常酷嗜山水書史恒博探嘉言善行

著爲家訓課子湖綱人龍力學敦品俱循循有法度

張氏家譜

方行慎字念餘烏程人歸安庠生隱居康山志存濟物念程安德
三縣浮賦困民康熙乙酉 翠華南巡具疏請減以衝突儀仗
陷縲縲蒙 恩特宥之又精形家言請禁江渚滙之造橋以保
風水禁承佃碧浪湖禁各漫港之魚斷以便蓄洩至捐資以瘞
枯骨建廬以卹孤貧好義樂施事不勝數縣令羅縻旌門乾隆
府志

閔茂元烏程人父病痢垂死閔醫書有生肝可愈死疾之說遂以
刀剖肝和藥進父病頓間茂元殞絕復甦有重其孝者贈以良
藥剝口漸合得不死乾隆湖州府志

葉大周烏程人父歿母孫氏病篤苦無醫藥大周禱於天剖腹剖
肝和藥奉母母子俱無恙同上

程鳳詔童年割股以救母疾事繼母以孝聞

徐宏遠字雲階烏程貢生建義塚義橋施藥助棺收廢書之糊

箔者又以素紙易婦人夾線書焚之又捐田助育嬰堂邑介羅
榛標其名於旌善亭同上

汪文域字周拔號坦齋早歲登明經性至孝奉父母白首孺慕不
衰猶子弟米糠勿遺父撫教如已出理家勤儉與人交皆推誠
丁亥戊子間湖郡水旱繼以疾癘慨然捐米助賑施藥給棺不
下千計買隙地湖口山偕好義者作瘞埋之會又置義田若干
畝他若貧不能殯者賜之壯未室助之以及修祠宇橋梁陂塘
凡利物事悉行之以子照貴贈奉直大夫以子時叙貴累贈朝
議大夫

韓宏顯字咫觀進士之圻子寄籍安吉州爲諸生雍正癸卯貢於
鄉少孤力學晚而益究心性所著詩文曰傳是編又輯先儒言
行爲山天錄十卷

字琳幾號五亭侍御振纓孫幼穎悟十歲能文喜爲詩

庚村講授康熙辛卯舉於鄉出宣城梅耦長門自謂竹垞衣鉢
復見替人後再試禮部不第歸淡於榮進間出修錢唐邑志浙
江通志篇什益富淳安方村山長洲沈碯士咸歎服無異辭年
八十六卒

程蔭善字棠臣號南喬其先休寧望族祖游學於湖因家焉補程
邑諸生入成均淡於進取涉獵百家靡所不究於族黨孤孀
之婚嫁不時喪葬不舉者助給之捐設義塚義學施棺助賑屢
爲飢民代輸漕載并絕戶荒產郡故有育嬰堂久廢特市地泮
官清華二舖重建後邑令羅懋別構堂西水門爲之經紀所全
活無算年七十九卒同配裴麗山之陽

范翔字紫登歲貢生彙萃先儒講解著爲四書體註明白切當風
行天下爲初學制藝津梁卒祀鄉賢

張巖雪字梅坡永明裔孫貢生性行端慤董理湖山義塚事終身

不倦觀風使王按湖旌式賢良推爲首擢

陳起新字在民太學生錢溲人性篤孝力行善事捨棧施藥立義塚冬夏助衾帳除夕前以白春給鰥寡歲以爲常捐金佐醫藥堂無吝色有宋姓貧代之婚娶有倫兒入室贈貲令自新秘其姓氏癸丑爲孝廉方正辭不就卒

附方技

吳

曹不興連五十尺絹畫一像心敏手疾須臾立成頭面手足胸臆

肩背無失尺度向音故實

歷代名畫記稱曹不興畫屏風吳落筆點素因就成雖狀極疑其
真以手揮之時稱吳有八絕張勳吳錄云八絕者畫城郭煙雲
人物教養星象吳德美談風氣趙達善算嚴武善
書宋書善書占夢星象善書曹不興善畫是八絕也

案不興西吳人
語作烏北人

南北朝

王克明字彥昭家烏鎮生乏乳以粥餌活遂得脾胃疾長益甚醫
以爲不可治克明因自讀難經素問用意處藥風病盡瘳始以
其術行遊江淮常數千百里赴人之急卿大夫皆自屈與遊其
鍼灸尤精有難知者必沉思得其要然後與藥則無不驗矣魏
安行妻風癡十年不起牀克明施鍼而步履復初廬守王安道

中風禁不語旬日他醫莫知所爲克明日此非湯劑之所及也
令熾炭燒地灑藥與安道其上藥氣薰蒸須臾而蘇崇官翰林
醫痊賜金紫

水心先生集

元

孟玉淵字季生號天澤烏程人與胡欽亮同學善花鳥翎毛爲世
珍重尤長山水姑蘇錢復題其城南山水圖云柳拂蓴絲弄曉
風山腰樓閣正春濃輕舟小櫓南湖上羨殺桃花滿樹紅又烏
程徐士元亦以書名時

茗紀

明

陳理字用和號橘莊好善樂施得異人授女科醫術名冠兩浙天
順間遷居烏程之南潯鎮子諱字嘉言孫元器字子重俱爲太

南潯鎮志

人少失怙遇異人授範圍數推上有奇驗

安治縣志

陸嶽字養愚烏程人少習儒比長洞精醫學本修身養性之旨故其業比諸家特異嘉靖中名重三吳外至閩嶠粵海皆敬信之刊行醫案傳於人口

乾隆湖州府志

小賀名恩字子霑姓陸氏其父烏鎮酒家燕良工賀四者偶之鎮客酒家左巨室王氏多賄植梨烏木象齒犀角諸材畱賀四作卮孟器備諸器恩時時過王氏親賀四作歸以小材效作示賀四賀四奇之乞爲弟子凡工作閭者觚者圓而觚觚而圓者非恩莫與成而恩得心應手出入規矩中巧每越賀四上賀四死恩喪之如所生賀媼自有子恩亦時愛其緩急又時以所得金饋陸翁媼殆孝義人也

張鳳翼小賀傳

謝思字何思號虛白烏程人善書骨法筆韻入二李三王之微萬歷間與宋旭齊名

書畫譜

余嘗元途虛白遠聲荆楚割全華北苑梅道人王叔明近候沈在匠等筆法頗能亂真復探吐故納新之秘彙刻詩字舉筆妙

境圖繪賢翁關思一名九思字仲通

王時鍾字惟一號芝田烏程人其先有中立者居小湖織里精孺嬰方脈求治如市鍾世其業於方無不通視病所到絮絮縷縷人皆臚之稱王長者萬歷中有司請為鄉飲賓

乾隆湖州府志

盧明詮號紹菴烏程人幼為舉業以勞致疾因習醫凡所攻治鮮不奇中性淳篤施藥不責報治病早夜不休嘗出橐中金買地近水次構大醫院旁設局施藥濟衆天啟崇王間當事咸器重之

同上

李韓號白臣烏程人少從關思遊山水人物盡得其傳崇正癸未間游京師卒門人沈運字子開得其筆法關李之後家世式微不能舉殯子開卜地于道場山之原葬之時稱義舉

康熙烏程縣志

本朝

呂學字時敏號海山烏程人善寫照生氣浮於紙墨更精人物山

水遇興濡毫度越流品

乾隆湖州府志

張御乘字駕六號適圃烏程人工翎毛樹石意態生動飛翎飲啄各盡其致入都作河清海晏圖名動京師歸隱苦之清塘門外同上

潘鳳彩字子大
人精熟素問得青囊秘授全活甚衆貧者不
責以報唯心存救人而已郡守胡瑾潘麒在陳一夔俱給匾旌門同上

寓賢

西吳風土清美前世嘉賓是以高流素託往往棲寄於此
南宋密邇行都多有因游宦而僑處者蓋翰墨猶表遺踪
墟里尚傳故宅無論山茨之逸民珪組之偉望去家林而
占此土皆得引以爲重云志寓賢第十五

漢

鄧俊平帝時持節安撫江淮屬王莽篡位遂出江左居吳典烏程
元和姓纂

施延宇君子漸縣人少爲諸生明於五經星官鳳角驪有不綜家
貧母老周流傭賃常避地于廬江臨湖縣種瓜後到吳郡海鹽
取卒月值賃作半路亭父以養其母時吳會未分山陰馮敷爲
督郵到縣延持節往敷知賢者下車謂使入亭請與飲食脫衣
與之餉錢不受順帝徵拜太尉年七十六薨

謝承後漢書

高錄延免大尉徒
洛陽從上強村

唐

陸羽字鴻漸一名疾字季疵復州竟陵人不知所生或言有僧得
諸水濱畜之既長以易自施得寒之漸曰鴻漸於陸其羽可用
爲儀乃以爲氏名而字之上元初隱苕溪自稱桑苧翁閩門著
書或獨行野中品詩擊木律徊不得意或慟哭而歸貞元末卒
羽嗜茶著經三篇言茶之原之法之具尤備焉茶書至陶羽形
置場笑間祀爲茶神

唐書隱逸傳

張志和字子同婺州金華人始名龜齡母夢楓生腹上而產志和
十六擢明經以策干肅宗特見賞重命待詔翰林授左金吾衛
錄事參軍因賜名後坐事貶南浦尉會赦還以親喪不復仕居
江湖自稱烟波釣徒兄鶴齡恐其遁世不還爲築室越州東郭
茨以生草椽棟不施斤斧釣席棹舫每垂釣不設餌志不在魚

也縣令使浚渠執耒無忤色常欲以大布製裘嫂爲躬績織成衣之雖暑不解觀察使陳少游往見爲終日畱表其居曰元真坊以門隘爲買地大其閭號回軒巷先是門阻流水無梁少游爲構之人號爲大夫橋帝賜奴婢各一志和配爲夫婦號漁童樵青陸羽嘗問孰爲往來者對曰太虛爲室明月爲燭與四海諸公共處未嘗少別也何有往來顏真卿爲湖州刺史志和來謁真卿以舟敝漏請更之志和曰願爲浮家泛宅往來苕霅間辨捷類如此善圖山水酒酣或擊鼓吹笛紙筆輒成嘗撰漁歌憲宗圖真求其歌不能致李德裕稱志和隱而有名顯而無事不窮不達巖光之比云

同上

沈亞之字下賢長安人元和十年進士涇原李彥掌書記爲秘書省正字長慶初補樂陽尉四年爲福建都團練副使事徐晦後累遷殿中丞御史內供奉太和三年柘耆宣尉德州取爲判官

青罷亞之貶南康尉後終郢州掾亞之以文詞得名常游韓愈

門李賀李商隱亦所稱評云

郡齋讀書志

宋如晁氏所云既爲長安人而會居小縣山山居鳥程則是烏程寓公新府志作歸安人舊縣志入邑人物皆非是

雲字垂象池州人與杜荀鶴殷文圭友善同肄業九華咸通中登第爲高駉淮南從事卑師鐸之亂退居雷川杜門著書執政薦修國史書成加虞部員外郎

全唐詩小傳

宋

葉參字廷瑞號次公縉雲人父逵仕吳越至刑部侍郎母羊氏封永安郡君葬卞山參偕其兄元輔守墓不去遂占籍湖州登咸平四年進士歷兵部郎中天聖明道間兩知蘇州景祐元年徙越州三年知湖州甚得民譽有七十二德政遷南京分司知開封府號冰清玉潔仕終光祿卿卒耐父墓

湖錄

葉參字廷瑞號次公縉雲人父逵仕吳越至刑部侍郎母羊氏封永安郡君葬卞山參偕其兄元輔守墓不去遂占籍湖州登咸平四年進士歷兵部郎中天聖明道間兩知蘇州景祐元年徙越州三年知湖州甚得民譽有七十二德政遷南京分司知開封府號冰清玉潔仕終光祿卿卒耐父墓

紅渠級錄猶滄浪升山居士無歸意却借吳儂作歸隱
云弁山居士道卿自號授此則參爲東吳寓公而清臣亦
爲湖人矣然余一獲轉軒正云葉詩字本藩世居吳門政
和間石林先生始卜葬其先府君于卞山云云則參清臣
又確爲吳人而宋史東都事略亦作蘇州長洲
人今特入烏程寓賢而石林判定爲本邑人

葉清臣字道卿好學善屬文天聖二年舉進士第二授太常奉禮
郎遷太常丞進直史館京師地震上疏以范仲淹書奏仲淹等
得近徙余靖等被黜請延忠直敢言之士復疏言大臣專政出
爲兩浙轉運副使建請疏盤龍滙漚濱港入海民賴其利尋擢
龍圖閣學士權三司使簿賑叢冗一切刪去出知永興軍浚三
白渠溉民田六千頃仁宗御天章閣問當世急務清臣條對甚
切後罷爲待讀學士知河陽卒贈左諫議大夫清臣天資英邁
遇事敢行數上書論天下事陳九議十要五利皆當世可行者
子均集賢校理 宋史本傳

胡志康字永寧父瑗嘗爲湖州教授由如皋徙居烏程志康于嘉

祐三年上舍釋褐授朝奉郎杭州觀察推官獄民允服是年
瑗上疏請致仕卒志康扶輿歸葬於邑之何山南起復以憂卒
子解解鮮登熙寧余中榜進士通判衢州元初後遭元總統之
難散居嘉湖及蘇州之婁江遠孫澤建家廟以祀

吳興傳志

陳與義字去非少居洛陽有詩名政和間釋褐授文林郎又嘗入
翰林南渡後避亂轉襄陽徙湖之烏鎮官至叅知政事與執
政忤罷歸掃南軒讀書遂不樂仕進與義儀狀嚴恪不妄言笑
雖謙以接物然內剛不可犯

湖錄

蕭德藻字東夫閩清人紹興進士嘗令烏程後遂家焉所居屏山
千巖競秀自號千巖老人楊萬里稱云近世詩人若范石湖之
清新尤梁溪之平淡陸放翁之敷腴蕭千巖之工緻皆余所畏
也

烏程縣志

進士元州將家子開禧用兵諸將多敗事獨再遇累有功金兵

認其旗幟卽避之屢遷至鎮江都統制揚州承宣使驍衛上將

軍後以老病致仕始居于晉

齊東野語

李心傳字微之號秀巖升研人官太史游吳興悅山水之秀寓於
郡城卽今安定書院又相度升峯建宅營墓名其灣曰太史後
人徙居吳興弟道傳號東窗性傳號鳳山

湖錄

程公許字季與叙州宜化人大母病革嘗其痰沫旣卒哀毀踰制
嘉定四年舉進士知崇寧縣蠲免抑配金兵犯閬中公許通判
施州節浮費疏利原民不加賦而用自足史嵩之相陰奪言職
公許累上奏牘尋知袁州請蠲和糴之半民便之擢起居郎論
劾鄭清之子士昌罪嵩之免喪公許疏乞下詔正邪典帝怒清
之日夜短之遂屏居湖州者四年名爲刑部尙書疏時事七薦
知名士二十九人尋卒贈宣奉大夫

宋史本傳

高斯得字不妄知沔州稼之子紹定二年進士稼戰沒斯得潛至

其地奉遺骸以歸史嵩之柄國應詔上封事忤嵩意又累疏論
譏邪伏蠱言尤切直羣儉令擯出知嚴州理宗時上疏極論時
事朝廷行自實田斯得言名與秦同卽爲之罷度宗卽位擢侍
講每于天命人心得失治亂之故必反覆陳之陳宜中入相斯
得疏言諫姦臣以謝天下忠憤激烈指陳無所遺進叅知政事
罷官宋亡同上

言其爲得萬鳥程之王村卒葬九原鄉仙人頂其
室自至元八年朝奉郎守監察御史武信墓志銘

李龍吳郡望澤人僑居烏程三滙效元白歌詩不樂仕進年登耄
期自作墓銘趙文照葬之何道兩山間梅樹百株趙得符題碣
曰宋詩人雪林李君之墓

得楚軒客談

衛富益崇德人從余仁山學金卒復受業于許白雲白雲以友處
之自以先世歷蒙宋澤宋亡日夜悲泣設壇具祭文天祥陸秀
夫等祠繼哀慘隱居教授朔白社普院于石人涇至大間有司

欲薦聞不就攜仲子隱於湖之金蓋山學者翁從至泊間具子
迎養還故里自號耕讀居士不言世務不履城市平生崇儒術
獨異端表裏洞徹動定坦然賢者服其德不肖者服其化卒年
九十六門人沈夢麟黃憲鄭忠相率制服葬於舊隱金蓋山私
謚曰正節先生

萬歷崇德縣志

元

龐樸字夷簡其先單州人高祖謙儒官太常博士宋南渡游寓湖
州時邸戚競寓驛驛移居松陵樸少負才名賈似道聘爲西席
不赴錮不得試元興詔徵爲翰林院修撰奉勅修宋遼金三史
同官多北人欲統金附宋樸曰昔曹魏不附蜀漢元魏不附齊
梁此綱目所以重大統也今元繼宋統近接漢唐遠追三代若
承金統近接遼矣遼以上無可繼者總裁脫脫不從遂解組歸
寓烏程南潯稱五湖狂叟

湖錄

敖繼翁字君善福州人寓居烏程築一小樓冬不爐夏不扇惟事經史湖之名士從之游者甚衆浙西平章事高彥敬薦授信州教授有文集二十卷

兩浙名賢錄

黃玠字伯成號弁山小隱其先慈谿人曾祖震著黃氏日抄玠清苦力學無所不通周游兩浙數至空匱不以爲意樂吳興山水因卜居弁山與趙子昂遊子昂稱爲平生第四友錢唐學者請爲西湖書院山長固辭不得已居數日歸

西吳里語

王簡字伯敬富化人爲烏程尹因家焉至正九年遷福寧州劇賊王善自郤武遷福寧簡與次子相馳破賊于楊梅嶺俄賊擁衆至簡力屈見執乃嚼舌以血喫賊罵不絕口遂見殺頸湧白液如乳其屍不仆越數日顏色不變子相亦罵賊見殺相妻潘氏及二女俱同日死事聞追封太原郡侯歸葬烏程長子楨以父廢除紹興總管後死張士誠之難

元史本傳

秦字泰甫宜城人泰定四年以國子生釋褐授和州判官累遷至江浙行省參政召爲秘書郎至海寧而卒移家烏程之三碑鄉今子孫爲烏程人師秦性倜儻貌豐偉以文學知名政事稱最著紀

袁桷字伯長慶元人舉茂才異等自號清容居士寓吳興讀書慈感寺後人題云人同綠水長爲主座有青山不計年大德間爲翰林國史院簡閣官遷侍講學士桷在詞林朝廷制冊勳臣碑銘多出其手所著有易說春秋說清容居士集湖錄

陳振字文舉錢塘人於書無所不讀年二十以詩經中鄉舉擢蘇州文學掾元末避兵弁山遂家焉妻蔣氏厄於兵難赴水死振義不再娶所著詩文二卷子胤爲古田教諭子敏政登進士官至南康知府烏程縣志

明

牛諒字士良東平人後居烏程洪武初由秀才仕至禮部尙書大

明集禮多諒所裁定

西吳里語

張羽字來儀潯陽人元季徙家湖州領鄉薦授安定書院山長洪

武四年以儒士徵爲太常寺丞坐事謫嶺南名還自沉龍江驛

前博學好古文章精潔有法詩亦清麗畫師小米

明實錄

徐賁字幼文其先蜀人徙常州再徙平江工詩善畫山水張士誠

辟爲局已謝去吳平謫徙臨濠洪武七年被薦至京九年春奉

使晉冀有所廉訪暨還檢其案惟紀行詩數首太祖悅授給事

中改御史巡按廣東又改刑部主事遷廣西參議以政績卓異

擢河南左布政使大軍征洮岷道其境坐犒勞不時下獄瘐死

明史文苑傳

崔晟字彥輝工篆隸居錢塘愛吳興山水之美營別業於弁山之

麓號雲林小隱以隱焉徐大章爲作記蘇似衡又作雲林小隱

辭張光弼亦有雲林小隱詩詩中稱足能畫

舊記

孫一元字太初不知何許人問其邑里曰我秦人也嘗棲太白之巔故號太白山人或曰安化王宗人王坐不軌誅故變姓名避難也一元姿性絕人善爲詩風儀秀朗蹤跡奇謫烏巾白恰攜鐵笛鶴瓢遍遊中原東踰齊魯南涉江淮歷荆抵吳越所至賦詩談神仙論當世事往往傾其座人谿山費宏罷相訪之杭州南屏山值其晝寢就臥內與語送之及門了不酬答宏出語人曰吾一生未嘗見此人時劉麟以知府罷歸龍覓以僉事謝政並客湖州與郡人故御史陸崑善而長興吳琬隱居好客三人者並主於其家琬因招一元入社稱茗溪五隱一元買田溪上將老焉舉人施侃雅善一元妻以妻妹張氏生一女而卒年止三十七琬等葬之道場山

明史隱逸傳

劉麟字元瑞本安仁人世爲南京廣洋衛副千戶因家焉績學能

文與顧璘徐工卿稱江東三才子宏治九年進士官龐津等
下獄璘偕同年生陸崑抗疏救除刑部主事進員外郎錄囚畿
內平反三百九十餘人正德初進郎中出爲紹興府知府劉瑾
銜璘不謁謝甫五月璘前錄囚細故罷爲民士民醵金贖不受
爲建小劉祠以祀漢劉寵因寓湖州與吳琬施侃孫一元龍覓
爲湖南五隱璘起補西安遭父憂樂吳興山水奉父柩葬焉
遂居湖州起陝西左叅政督糧儲都御史鄧璋督師議加賦充
餉璘力爭尋遷雲南按察使謝病歸嘉靖初拜太僕卿進右副
都御史巡撫保定六府中官耿忠守備紫荆多縱璘劾奏之請
捐天津三衛屯田課及出庫儲給河南三衛軍月餉徵通課以
償皆報可再引疾歸起大理卿拜工部尙書四司財物悉貯後
堂大庫司官出納多侵漁璘請特除一郎官主之帝稱善因賜
名節璘庫已上節財十四事汰內府諸監局冒破錢中貴大帳

及顯陵工竣執役者咸覲官麟止擬奏羣小愈怨會帝納諫言停中外雜派工役麟牒停浙江蘇松織造而上供袍服在傳中中官吳勲以爲言遂勒麟致仕久之顯陵殿閣雨漏追論麟落職麟清修直節當官不撓居工部爲朝廷惜財謹費僅踰年而罷居郊外南坦賦詩自娛守爲築一臺令爲構堂始有息游之所家居三十餘年廷臣頻薦晚好樓居力不能構懸籃輿于梁曲臥其中名曰神樓文徵明繪圖遺之年八十七卒贈太子少保諡清惠

明史本傳

袁袞字永之長洲人五齡知書嘉靖乙酉應天鄉試第一舉進士授武選司主事觸忤時貴編戍湖州寓居城南峴山寺搜奇弔古悠然自適後人以其寓處稱爲胥臺讀書樓

兩浙名賢錄

李樂字彥和號臨川桐鄉人寄籍烏程隆慶戊辰進士知新淦縣簡約坦易民愛戴如父母擢禮科給事中改吏科上科場積弊

疏又糾大京兆忤江陵出爲福建僉事歷江西廣西叅議所至
潔已字民而懲墨吏不少貸告病歸累起尙寶卿不赴遠近縉
紳多改容禮之民間疾苦及地方冤抑不得達必務爲陳說未
嘗一語及私所著見聞雜記于風土人心升降之際三致意焉
直指彭應參顏其堂曰真君子從唐一菴游爲入室高弟其恒
言曰無心之失甚多有意之惡不作年八十七卒祀鄉賢

湖錄

徐獻忠字伯臣華亭人博精於古今浙之奉化有政術父歿葬吳

興福山愛其土風買墓山傍構丙舍葛巾篋羽徜徉蒼雪菰蘆

間峴首社一再往不復戀死葬九霞山謚曰貞憲先生

弁州山人集

吳炯字晉明號懷野華亭人萬歷庚辰進士歷光祿太常太僕少

卿俱在南顧涇陽講學東南多影附借資者炯疏別白之天啟

五年魏璫私人石三畏追論炯黨庇涇陽落職閒住因外家徐

長谷在湖亦來寓棲賢山鍵戶讀書棲賢村之民無告者皆別

濟之程安二縣民飢捐數千金以賑湖人德之

謝錄

楊爾銘號錦仙筠連人崇正甲戌進士爲廣東道御史國亡流寓

烏程前庄披髮佯狂日縱酒語及舊事卽以酒杯納口中大嚼
淚血交流當事聞其名造廬請謁匿不見止一孫不令讀書力
耕市陌路達先志也

同上

黃周星字九烟上元人幼撫于楚湘周氏名周星年二十三舉京
闈讀書金陵遇本生父母崇正庚辰成進士授戶部主事具疏
復姓明年南都陷遂棄家更名黃人號略似流寓長興五邊而
至烏程之南潯賣文自給工篆隸布衣素冠寒暑不易嘗作詩
云高山流水詩千軸明月清風酒一船借問阿誰堪作伴美人
才子與神仙擬作將就二因稱將就主人又號笑蒼道人年七
十歲心憎傷心仰天歎曰嘻而今不可以死乎爲解蛻吟十二
章曰扶墓志與妻孥訣嫌龍命消盡數斗大醉家人謹護之庚

五
日賦絕命詞十章遂自沉於水

同上

釋老

二氏並列史傳自魏佛助始而後代地志類皆詳其本末
夫象外之說無生之篇雖不可訓俗然而契印妙明步虛
靈寶以彼玄蹤絕軌抑塵世所希而況或普濟施或豐文
藝米管離物而道韻斯存錄其殊尤詎非人物之外紀耶
志釋老第十七

南北朝

陸修靜字元寂吳興東遷人雖有重輪足有雙蹠掌中有字背有
斗文研綜文籍旁通象緯與陶淵明慧遠交明帝勅住後堂不
樂授館於外爲立崇虛館傳經疏著齋法儀範百餘卷謚簡寂
先生

良常仙宗記

雲笈七籤宋元嘉末四市葉京邑文帝味其風而趣之修靜不
適遂游江南遊自吳里謫修靜在鄉時常設于烏程東水潭數
月而世西
目爲仙澤

僧喬姓華氏吳興東遷人出家龍光寺聞僧旻說前修立義有諸
同異則忘寢息又聽其語論轉捷則撫掌累歎隆昌之世與同
寺僧整等請旻移住終旻竟夜一心諮求三四年間經論通達
旻曰喬公備雅清虛履今用古善能警拔莫與爭先此乃遺法
之所寄也梁天監初卒

續高僧傳

隋

吳崎嘗溪人年十三作道士時煬帝元年過鄴中告其令曰中星
不守太微主君有嫌而旺氣流華于秦地子知之乎令不之信
至神堯卽位方知不誣崎精明天文卽袁天罡之師也

龍城錄

唐

皎然字清晝姓謝湖州人靈運十世孫居杼山顏真卿爲刺史
文士畢集海鏡源預其論著貞元中集賢書院爲文苑之

史子
唐書文苑

石林詩話皎然居妙喜寺今寶壽寺是其故廬自百靈運後其家法自許其高僧魯公為守與張志和陸鴻漸等皆為其後繼其家法自許其高僧魯公為守與張志和陸鴻漸等皆為其後繼積古略遺此以文章名世嘗歎曰使有宜尼之博識賢臣之義聞於道後義適足以揚其性豈若松岩雲月靜坐扣衲無言而一道合至靜而性同吾將入村山矣于是取所著詩文火之

高閑為程人寓湖州開元寺具戒律善草書宣宗時名對賜以紫

袍加大德號為韓愈所知作序送之宣和書譜

三著最意出僧能書者三人智永懷素高閑也閑書不

洪經山第三代法濟大師姓吳氏烏程人咸通八年嗣法位始

至是山黃巢偏師領卒千人至而見師晏坐不起以劍揮禪座

者再見師神思湛然乃異之獻金寶再拜而去徑山事狀

如前道場山禪師自有重瞳手垂過膝自翠微受訣止於此山薙

草卓菴學徒四至廣闢法化遂成叢社焉五燈會元

西吳里諸唐中和間如謁山諸師已達道即止謁經此山山故

多虎豹黃帝面上坐猶石虎伏其側結菴居之名其處曰伏虎

岩後起伽藍佛殿

廟千羅漢于中

宋

若觀烏程人俗姓錢立行卓爾四方欽之後坐逝茶毘正值日午

舍利迸出光瑩奪目

舊紀

何山辨禪師游方到少林聞龍門佛眼禪師問之豁然大徹還茗

溪菴于峽山久

出世天聖遷數剎同上

范隆字茂宗號無住爲葉少蘊門僧久居弁山故其作畫極多善

白描人物山水德壽宮評畫以爲龍眠嫡嗣

同上

元

明本號中峯至元間愛弁山幽寂可栖禪遂創菴名幻住與趙子

昂交有中峯語錄行世

同上

覺岸號寶洲烏程寶相寺沙門也博古通今嘗考釋氏事實年

國緯著爲手鑑名釋氏稽古略李恒序云實能補國史之未

紀禪編之大備

稽古通集

清琪俗姓溫號石屋背縣人常愛鳥鵲霞霧山高絕可住遂
一名天湖年八十一不疾而卒本山有石屋語錄行于世

明

潘洞雷號杜源得五雷法偶登洞手學符天將忽至怒其衰慢
以火筆觸其頭頭爛人呼為潘爛頭後凡有疾者求療以爛
作膏藥傳之即愈村兒乞爆竹亦取膿染指授之響如雷霆凡
祈晴祈雨不費符咒登壇神應莫測所自臨汝弟子醮壇設
法普救垢衣從事故禱亦輒應久之弟子沈潔祈禱遂不應
崇正烏程縣志

淨戒俗姓王烏程南潯人字定岩號幻居出家于種福院後游諸
方參禮名師天竺虎跑靈谷等寺皆有遺跡官至左覺義左講
經受勅為慧濟禪師無疾而寂茶毘時有五色雲如蓋又有四
鶴來飛弟子宗彝奉其不爐之齒牙數珠葬于道場山之太師

塢有語錄行于世

成化湖州府志

沈道寧號野雲烏程人入金婆樓爲道士後隨二十四代天師冲
虛子人龍虎山學道法凡有試應若神速道寧不習文字惟精
於心契故其法異于人神宗皇帝試其祿雨皆驗深悅之賜三
品誥爲混元純一冲虛湛寂清靜無爲承宣布澤助國祐民廣
大至德高士宣德初歸卒於黃龍洞之祥應宮

同上

行恣號復元出紫柏之門而不相下居南潯與馮開之朱文寧輩
遇周仲發輩結方外社遇周稱其口不談貴介筆不流凡近開
之稱其詩清真孤迥如倪元鎮書有且止菴集

明詩紀

本朝

吳所神字梅岑烏程人少好道術專心符籙得潘洞雷遊法祈禱
事靈邪魅屢著奇驗遍遊京師陝西湖南北求法者踵接歸里
後屏絕外事日惟布席端坐一久無疾而逝

乾隆湖州府志

周科耀字靜涵在潯溪廣惠官清靜自修雍正賢升夏大阜延科
耀登壇禱雨立應郡守唐格祖德以詩并序臣侯羅懷給爲霖
潤物區額

和縣志卷之八

列女

昔范蔚宗之傳列女也曰搜次才行尤高秀者此語蓋一操是則正位居室有常道焉不幸而以貞烈著斯亦箚之變矣然而彤史曷舉綽擢揚芳峻節凌霄不渝金石發幽光者其可遺乎程邑禮義之鄉名媛接迹操傳黃鵠闕表烏頭雖殉身守志或異而微美無殊昭紀精英所以異宣名教者在是矣志列女第十六

漢

孔氏婦有八子皆訓以義方夜讀書盡力田漢哀帝時俱爲郡守
後人名其居曰八子墩三吳郡志

南北朝

羊緝女佩任烏程人隨母還舅氏母下晝夜號哭不飲食三日而

亡鄉里號曰女表

南史本義傳

梁公濟妻姚氏生二男公濟及兄公願乾伯並卒各有一子姚養育之賣田宅爲娶婦自與二男寄止隣家齊明帝詔爲其二子婚表門閭復徭役

同上

宋

趙碧瀾宋宗室老而貧二妻方少艾慮無以安其心因遣歸母家咸弗肯嫁數獻肴酒致殷勤焉既而碧瀾復詣水曰俱母再見昔我割情去爾爾弗我忘祇擾我心耳二妻各事父母至泣而言曰妾家足可養贍願執事終身爲尼以報主恩遂復畱之他日碧瀾死果如所言碧瀾有寡女復養育之

續修錄

湖州烏墩鎮沈氏婢隣里呼施姑婆者年二十餘會大疫主公主母繼亡獨餘二女各十數歲無旁親可依施卽儲養傍舍或織草屨與縫紉之事得錢以給二女且教護之至於長大擇良

配更爲撫抱其子盡力奴事鎮人皆敬愛之每大家出遊必
守舍餘物滿前一毫不移也

春渚紀聞

元

管仲姬字道昇烏程棲賢山人詞章翰墨不學而能尤工寫竹旣
歸趙孟頫書畫益有名嘗召入宮寫梅書千字文及諸色竹圖
多被獎賜仁宗嘗以其書勅玉工磨玉軸秘書監裝池又命孟
頫書六體千字文子雍亦命書一卷口令世知我朝有善書婦人
且一家俱能書亦奇事也

魏國夫人蔡志

吳氏烏程人嫁同里金氏子至正丙申湖州被兵夫他往獨與子

居城破兵掠婦女吳度不免投池中死

成化湖州府志

楊節婦吳年廿五有殊色至正丙申八月大兵將陷城吳自挾汙

辱生寧貞自死攜二子投茗水逾月城破見其母子並浮若不

相離感嘆異焉

無溪集

沈氏茗溪邵某婦艾而美至正十六年爲淮兵所逼投水垂死浙
省都事張英過之命其下拯救得活且諭曰汝配張官人不榮
幸乎沈謝曰幸諸君活我我以夫遇害知殉夫而忍他聞也旣
置舟中夜四鼓陰納笏口中而舟木觸喉死張葬焉

同上

盛氏烏程人嫁邱崧元末兵亂嚴挈避於官澤沈家兇盛恐寇至
被汙曰兇水清當死此若妹多娜卯娜俱少聞言俱應聲曰願
與嫂死未幾寇至盛投水二姑相繼以歿

嘉靖浙江通志

明

何氏名顯清嫁劉德茂生一子二女夫病革語曰親老子幼奈何
泣曰姑老雖無子亦當終養況有子乎夫卒養其姑以孝聞洪
武初表聞

懷化湖州府志

徐氏烏程人年十六嫁未期而夫病篤顧徐曰母老汝年少奈何
徐泣下卽引刀斷左小指以死誓夫死布衣長齋年七十八

命取所斷指置棺中家人出其指少異爪紅色尚存

明史司玄

西吳里志徐守貞
潘氏妻景泰四年卒

李氏臨洮人烏程王士文以府吏選成臨洮娶李生子興宗未彌

月士文從西征而臨洮兵至李負孤匿山谷僻歷艱苦士文又

被金陵卒李方二十七或誘之嫁堅拒之會大兄王伯正至金

陵迎歸齋素終身年六十五卒

成化湖州府志

趙氏烏程人嫁歸安張士貞年二十五貞卒姑令改適不許令隣

媼強之自縊便所不脫

同上

陳氏大理丞授之女適錢勝年二十而勝卒立後守節卒年七十

六天順間表閭

同上

閔氏烏程陳經妻經卒氏年二十五守節成化壬寅表閭卒年

十一

宏治湖州府志

陳氏烏程王潤妻大理丞援孫女歸王甫十七踰年寡遺腹生男

守節年五十餘子亦成立

同上

趙氏生員錢煌妻煌沒氏年二十四餽粥不充與兩孤孰守後相

繼亡時年七十六巡按金給粟帛

同上

茅氏錢欽妻嘉靖乙卯倭犯烏鎮茅與夫挈二女走避失夫所在賊至欲辱之茅投水中賊以刃刳其腹殲其二女

蕪城文獻

高麗州府志

唐氏生員王文妻年十七夫卒守節以壽終嘉靖間旌門

萬歷湖州府志

吳氏舉人潘應宿妾年二十八潘卒矢志守制年六十六卒嘉靖

間旌表

同上

殷氏尚書震直五世孫適生員陸鎮卒歲仇身任百艱訓兩孤卒年七十一唐樞爲墓志

黃氏潘璿妻夫卒守節六十餘年撫二子成立年九十卒後孫應宿曾孫仲騫可賢季馴相繼登利甲

潘霞妻年二十五霞卒立姪爲嗣撫育教訓爲諸生娶進
侍本生姑取孫士連士達士達次第鞠育成立壽七十太守李
頤表闕

王氏生員方京妻年十八歸甫三月而癯誓守終身年八十四

崇正烏
詳縣志

閔氏生員潘缺妻年十九夫死守制終身嘉靖間旌表

順治湖州
府志

張氏生員嚴大臨妻未歸夫卒氏焚衣飾至大臨家誓守年七十
御史蕭具奏旌闕

楊氏生員潘錦妾錦死嫡欲嫁之剪髮自誓奉姑與嫡自二十歲
守制至七十三郡縣司道俱旌完節

沈氏生員潘景妻萬歷十六年學道伍表闕

汪氏匡霞妻嫁齡歲夫卒無子獨與姑俱族有奪其夫遺產氏不
與爭父憐而名歸氏以姑辭遂并迎姑氏獨任組紉以衣食之

姑卒持喪畢謂父曰兒事畢矣遂絕食以終錫山高攀龍贊曰
或偷而生或殉而死以死視生死則可矣于死之中又求其如
是而死死則盡矣以智自保以孝自毀畢三年喪恬然而止協
於人心安於天理三十九年百千萬祀

吳氏舉人潘名卿妻夫早卒矢志五十餘年奉旨建坊次子曾絃
歷官巡撫

周氏吳宗魯妻魯庶陸出嫡母徐與陸不相能氏款承二姑各得
歡心三年夫亡擇從子爲後三學公舉歲給粟帛

楊氏吳慎樞妻樞以鄉試卒于京氏年二十二生一子甫週聞計
遂擲子于地而絕姑哀救得甦起曰夫死我義不獨生服金就
焚忽使蕭索門

以上崇正馬莊縣志

紀貞女幼字金來聘未歸來聘卒女號慟歸金縞素十年而卒有
二婢偕主母苦守主母沒不嫁隨沒

少師文肅公之姑歸范甫遇夫卒守節

張氏生員莊日強妻年二十八夫亡家貧成荒甘窮餒以節願

李孺人進士董嗣昭妻嗣昭初第卒於京李年十八聞計殞絕強
起侍姑約束內外歷三十餘年撫按給贈旌扁樂帛疏請建坊
以上南齊志

趙氏適烏鎮沈蕙未幾卒父母欲奪其志以刀截髮不出中庭者
三十餘年

吳氏年二十適鎮人王敬宗負糧死於獄張守節以終天年

吳氏烏鎮丁元妻嘉靖甲寅冬避倭走廣安橋倭至抱姑徐投水
死知縣張冕表其門

顧氏烏鎮顏元英女許聘施施子勳預年十七矢志弗嫁至八十
一而卒以上烏青志

錢貞女幼受聘青鎮周冕年十六周亡守節父家至七旬卒烏青文獻

王氏邵應元妻元卒氏年十七族眾利其家議改嫁氏斷髮誓心

六十三郡邑旌揚

徐氏姜鯤妻年十七夫亡無依回父家貞守子長歸年五十三卒

吳氏邱如岳妻年十六夫亡無子守制年七十九卒

烈婦嚴氏陸某妻陸備而力不給氏事姑以禮姑凶穢里中惡少

欲私之姑賣此意氏毀容以免姑日夜拷掠氏赴水死

張氏汪垠妻年二十四夫亡守至七十

陸氏慎應元妻年二十五夫亡至七十九卒

倪氏徐天衢妻夫亡無子守節七十二歲卒太守旌表

龔氏董仁妻夫故矢節縣給匾旌

錢氏沈文珂妻年二十三珂卒守節五十餘年歷四喪撫三子

張氏王師妻師卒年十九居數月生子教子爲諸生年七十餘卒

沈氏楊正妻正亡無子氏年二十五依堂叔祖廬同居相繼早卒

祖妻趙陵妻高年各二十各撫一子矢志共守知縣何匾揚一
門三節

丁氏陳汝純妻純亡氏年二十四翁姑繼沒依父撫孤歷六十九
歲子王前補弟子員郡伯陳幼學旌之

吳氏潘繼妻夫故矢志知縣徐給匾

沈氏金應元妻夫亡守制四十餘年知縣陳旌匾

蕭氏庠生吳宇華妻年十九夫亡守節六十年知縣馬旌表

沈氏生員錢惟塘妻廬卒氏年二十三姑老酷貧無子撫姪七十

五卒知縣馬旌旌

鄭氏包守信妻未及婚信亡卽往奔喪火燬其廬歸父家苦守兄

又亡嫂孫氏年二十二同心矢志節知縣馬給雙節匾額

臧氏朱光允妻年十六歸三年喪夫撫孤完節

汪氏陳觀耀妻年二十喪夫無子守節四十六年以上崇正馬程

卜氏生員嚴用中妻年十八夫亡教育三世苦節七十七終

嚴氏韓千秋妻姑疾剖臂肉以愈弗使家人知沒後見臂有瘡痕

始知隱孝

陳氏生員閔曼容妻年十六嫡無子守志五十三歲鹽院雷旌獎
施氏潘應登妻年二十一夫亡子夭姑老病日氏朝夕舐之績紡
奉養冰操六十載

沈氏年十六歸潘國正兩載夫亡誓志不奪卒年六十四

邱氏汪逢源妻年二十適汪逾年夫亡乙酉寇亂扁尸自經死

張氏庠生汪彥繼妻夫卒撫前子孀居四十餘年

閔氏生員潘震陽妻年十九守節歷四十餘年

慎氏生員潘唐臨妻年二十五守志歷五十餘年

金氏生員潘國瑞妻年二十守節壽六十七

溫氏潘鍾陽妻年十七歸未期夫卒剪髮自誓

以沈文洽妻割股療親教子成立鄉誼節孝

周氏馮景新妻新卒氏年二十三撫孤璞復卒媳錢氏苦節奉姑

張氏庠生潘應霖妻未二十而孀郡邑旌表

陸氏庠生潘松妻十八而寡撫孤又天苦節五十餘年

吳氏嚴府考妻十九孀居六十五歲卒

陸氏錢士俊妻十九嫁彌月夫卒孝養舅姑終身

嚴氏范廷臣妻夫亡教子壽八十三

施氏潘嗣維妻年二十一夫亡守節奉孀姑徐氏卒年六十七郡

獎兩世貞操

蔣氏生員丁夢高妻苦節撫孤郡守胡璵旌表

潘氏費宏圻妻早喪夫立繼守節

張氏吏目錢元麟妻割股愈姑疾夫沒守志四十餘年

烈婦沈氏嚴爾元妻年十九歸二年夫卒自經死

沈氏生員陸敏材妻年二十夫亡撫子子死同媳唐氏撫孫復殤
茹苦八十四終

趙氏庠生潘汝升妻避亂居潘店遇寇害并掠趙氏氏曰夫死安
歸卽奮刀自盡以上康熙烏程縣志

陸氏別駕以載女歸前坵吳順治乙酉寓潯西六里橋同媳張氏
避兵張爲兵所獲氏奮救俱遇害時年三十四張二十一南潯志

潘文陽妻凌氏文陽仲驤季子萬歷戊子文陽肄業南雍計至時
氏年二十九守節三十五年子孫孫章皆有文行郡邑請旌氏
堅拒之

沈之鑒妻吳氏嘉靖四十五年之鑒溺死氏年十九無子撫嗣子
讀書爲博士有郎姓貸千金鑒妻以償氏聞卽還金贖之盜入
室氏厲聲曰吾沈門老寡婦刀不去手一犯卽自刺盜駭散去
人服其膽識

嘉靖朱氏年二十夫亡矢志撫孤年七十餘嘉靖間旌門

人思妻陸氏溫璜之母年二十四夫亡與姑沈氏同居破屋一間無帷帳歲大飢姑病且餓同坐臥一板箱種火煨粥以為食手不停針每歲祭享衣食束脩紙筆之費皆自濕痕指血中來姑卒哀毀如子守節五十年卒天啓七年詔旌節孝又十六年子璜成進士司理徽州夫婦子女同死國難蓋忠孝節烈萃于一家云

除石堂講大寺與曾大母同寓因者二十餘年與母同處寡者三十餘年夫母與母同臥起母泣則大母與俱泣母食則大母與俱食母不安命者嗔天仇地父母公姑親同寢業一日安貧不妄言者忽已貴人手足頓情乞貸無恨一日安分不安分者世香種福結伴出門拾括人日母謹守此三言以終其身年八十六無疾而逝璜述

貞石堂母訓一卷

溫璜妻茅氏璜授徽州司理兵至呼茅氏與訣因繞屋走茅曰得毋以妾與女存乎時女寶德方寢茅捉之起女曰何為曰死爾

刃我墳刃之未殊猶出一聲曰再刃我墳復力裁之遂絕墳茅乃自殺

溫氏一門三節溫元棟妻嚴氏年二十三而寡事姑孝姑未食不敢食姑沒未薦不敢嘗潔產數畝遭奇荒不敢棄曰吾爲婦六年無子溫氏罪人也乃輕棄所貽乎嗣子繼祖補弟子員崇正中親族欲誦旌氏固止之年七十六卒繼祖妻朱氏年十九亡無子早晚哭不忍使姑聞之姑老病晝夜撫摩不厭苦節六十餘年年八十四卒嗣子彥孫婦范氏年二十六彥孫又卒家貧旦夕紉針補綴以供老幼姑好潔患痢氏爲齋潔無倦色時荒亂或勸其以幼子爲僧不從又勸之出繼曰繼他氏非孝也卒撫三子至長人稱一門三節孝

仲烈女湖州人隨父賈漢陽崇正中漢陽陷賊大肆掠見女美執之女勢而被髮大罵賊挾之上馬連墜傷額不肯行賊露刃刃

之曰身往何如頭往女曰頭往善遂被殺

臨舜臣繼妻王氏舜臣烏程諸生赴試暴亡氏年二十八懷娠兩月生男尙志值歲禮日以一錢市餅和水飲之突不烟者累旬局門僵臥兒呱呱泣隣姬怪之排闥入氏氣已絕以熱湯灌之復甦萬歷三十五年詔旌

溫某妻葉氏溫七里人乙酉兵掠馬溪嫂妹十數人俱登舟氏獨立岸上兵猝至投水死

皇甫申之妻孫氏乙酉避居南潯方家巷時劇盜劫潯官兵躡之所過淫掠氏方理髮申之亟告曰兵至矣氏從容曰吾死耳勿慮兵入欲污之氏嚙其肉兵乃引繩絙其指懸於梁阿之曰不從則死氏嚼血罵曰速殺我毋多言遂殺之申之先傷于刃仆地隣里救之甦終身不娶

方烈女方家巷章甫女年十三兵擄之登舟乘守卒稍懈奮身投

河次日尸浮水面如生

凌元燦妾顧氏蘇州人元燦爲亂兵所殺顧氏被擄義不受辱絕粒累日給寇曰我晨舍凌秀才室若通信至家可索銀取贖冠如其言潘氏命家人賞銀往贖氏流涕詰之曰主君已死我何以生爲所以隱忍至今日者欲死得明白耳遂自縊而死冠義之送其屍還家顏色如生衣內外重重紉縫潘氏以禮葬之

皇甫某妻孫氏居湖濱賢而美丙戌春兵掠之大罵不絕口刳腹屠腸而死

以上乾隆湖州府志

紀烈女府學訓導維揚紀公爾志女未字乙酉秋兵至女曰事亟矣亟呼庶母陸氏投身經閣前池中自盡

同治

吳閨貞萬歷甲戌進士什詮女年十二卽能詩與從父夢陽舅氏臧懋循唱和適烏程溫伯生早卒吳守節孝於舅姑所著詩

分前後集各八卷鍾伯敬評定刊行曰吳郡志

士安妻陳氏安治年茂表

金七妻俞氏

潘朝陽妻顧氏二十七歲夫亡守節三十年

潘庚星妻倪氏守節三十八年

潘龍翰妻王氏二十四歲夫亡守志

潘元嘉妻沈氏二十八歲夫亡守志

潘允禧妻梅氏二十六歲夫亡守志

潘之珪妻朱氏三十歲夫亡守節四十三年

許桂元妻蔣氏甫嫁一載夫亡無子艱苦僻嘗守節六十餘年

潘朝宗妻張氏二十一歲夫亡守志

潘聲興妻張氏十九歲夫亡守志

潘浣妾金氏二十九歲夫亡守節四十四年

潘國光妻馬氏三十歲夫亡守節三十三年

潘繩純妻金氏王氏金守節四十一年卒王守節二十三年卒

潘信妻施氏二十九歲夫亡守節四十六年

潘仲芳繼妻嚴氏三十歲夫亡守節四十八年

潘沾吳妻嚴氏二十八歲夫亡守節五十二年

潘沾晏妻慎氏二十九歲夫亡守節四十九年嚴氏慎氏妯娌相

依郡守旌門

潘完真妻屠氏守節二十二年

王一驥妻俞氏

吳芸妻稽氏

蔡用修妻沈氏俱萬歷三十五年旌表

以上乾隆湖州府志

本朝

顧孺人適烏程董廷勛爲宗伯潯陽曾孫生子漢策病死孺人以

世教子有聲乙酉大盜來劫擊却之得鎮得全丙申撫軍來

旌表

梅林董氏

何氏石鼎界民徐廷賢妻順治間按院王元職題請建坊本界止

順治
高旌

烈女名麒姑向書震直裔許字盛世瑞未婚而卒計至即登樓
自縊救甦復吞金父乃許其過門守志從容禮祖廟辭母氏與
父偕往登堂拜舅姑畢即易服撫柩哀慟立伯子為嗣遂絕粒

不甦而死時年十八

康熙二十
四年題旌

韋全緯妻吳氏二十二歲夫亡守節四十餘年

康熙二十
七年題旌

溫氏貢士模女歸沈文然文然坐事與叔兄徙塞外方獄急時有
言婚可解者女聞之慟哭求死父母乃請於官出獄就婚既行
有奸民以沈氏籍產不盡訴於官涉訟八九年吏胥誅求萬狀
婦備嘗慘苦不挫不擾文然至徙所沒生母與嗣母並在婦事

之孝謹文然叔兄聘於徐瀕行成婚竟無子婦與徐同室居如親姊妹且為立嗣年荒屑豆為糜自食而奉姑如平時教子女

有法度卒年五十二子琬康熙三十一年題旌

張茂叔妻周氏二十五歲夫亡撫孤維新維一成立守節五十餘

年康熙五十年題旌

賈之圻妻沈氏二十五歲夫亡守節五十四年

董冠麟妻費氏二十八歲夫亡守節四十年

潘貞女許字程嘉和年十九未婚夫亡守志終身以上康熙五十九年題旌

趙思惠妻鍾氏康熙年旌表

陳雲來妻鄭氏守節五十五年

陳廣心妻沈氏守節四十六年

徐起淵妻姚氏十八歲夫亡撫孤守節五十餘年

陳弈蔭妻曹氏年二十八夫亡無子奉姑守節四十年

陳氏教遺腹子成立守節三十六年

陳氏年二十三夫亡無子守節四十六年以上雍正四年題旌

沈學若妻馮氏年二十七夫亡家貧歲歉針紉奉姑撫四子成家

葬三世棺守節三十四年

戴泓妻吳氏年二十八夫亡守節二十七年以上雍正五年題旌

姚煥章妻邵氏二十歲夫亡守節三十八年雍正七年題旌

陳雪川妻孫氏年二十二夫亡守節三十年

程應鳳妻戴氏守節五十一年以上雍正八年題旌

陳萬舞妻戴氏年二十而寡無子欲殉翁姑救免立從姪為後守

節三十七年

董村妻嚴氏年十九而寡立姪為嗣又天氏葬舅姑與夫心力交

瘁守節六十一年

范鴻培妻錢氏守節四十二年

凌熬妻吳氏年二十九夫亡守節三十餘年

沈金玉妻李氏年二十四夫亡守節二十六年

以上雍正九年題旌

方錫嘉妻鍾氏年二十七夫亡一子二齡一子方在孕乃忍死撫

孤成立守節二十九年

朱玠妻張氏年廿四夫亡孀姑在堂上有祖翁兩世孝養生承歡

死盡禮撫前妻孀子如已出諸孫皆已入泮守節二十六年卒

張濬妻姚氏年二十六夫亡欲殉姑諭以撫孤大義乃止孤旋殤

乃以嫡姪承祀守節四十四年

潘維修妻張氏年二十九歲夫亡事姑盡孝遺孤二教育成立守

節四十年

楊龍光妻沈氏年二十四夫亡孀姑在堂過歎歲暮水罔缺而自

以糠粃樹皮充餒姑歿百計營喪葬所生子并前妻子撫育如

一守節三十九年

同前蔡妻朱氏夫酷貧贅於氏家年二十二禹蔡卒以翁姑俱老養泣請於父歸竭力以奉二人沒拮据營葬躬親負土以姪爲

嗣守節三十一年以上雍正十一年題旌

莊明揚妻潘氏年二十六明揚卒氏治殮後卽吞金不死絕食妯娌勸之翻然曰父母歿而無兄弟我死誰管匱窶乃復食出簪珥衣服鬻之以葬父母歸拜夫靈見妯娌強爲歡笑夜靜闔戶自經死年三十四

潘爾儼妻蔡氏撫遺腹子守節四十五年卒

潘潯發妻閔氏年十七結褵生一子夫遊京師溺死氏年二十九事孀姑撫幼子守節十九年卒

周啟明妻張氏年二十四夫亡舅姑賴氏十指供菽水二十餘年以壽終守節六十一年

宋祖郊妻潘氏年二十五夫亡無子守節二十七年以上雍正十二年題旌

王鼎繼妻吳氏年二十二結褵一載夫亡撫前妻子孝養舅姑子
長娶婦又亡撫遺孫荼苦備至守節三十二年

汪璧妻沈氏年十九適璧二十一而寡子甫晬氏訓子弱冠游庠
守節三十三年

潘蘭發妻陳氏守節四十七年

蔣渭飛妻潘氏年二十一適蔣甫九月而寡舅姑老而病家貧甚
氏紡績以供湯藥及卒殯葬諸費竭蹶經營撫族姪爲子殤又
撫族孫爲嗣守節四十二年

金貞女許字孫朝賢未婚朝賢卒女年二十三聞訃易服奔喪去
弟生子卽育爲嗣夫弟夫姑亡遺孤女俱撫之父母笑獨無依
氏迎養於家以壽終守貞二十八年

凌美在妻施氏年二十九夫亡守節三十六年

沈廷標妻吳氏年十九夫亡無子守節二十八年

以上雍正十三年題旌

元芬妻劉氏守節四十六年雍正間旌

顧新妻錢氏年二十三夫亡生子江三歲家酷貧自爲督課迄於成立苦節三十五年

沈文元妻吳氏年十九夫亡守節三十五年

姚源妻歸氏年二十九夫亡守節三十八年

姚濂妻邵氏年十八夫亡守節二十六年

吳宸陞妻葉氏年二十七夫亡守節三十二年

朱士榮妻楊氏年二十七夫亡守節十八年

陳士斌字憲章妻俞氏年二十五夫亡孝事舅姑訓二子成立兼

撫仲叔遺孤如己子守節三十一年

以上乾隆元年題旌

陸孔昭妻陳氏年二十五夫亡守節三十七年

鍾國臣妻沈氏年二十四夫亡守節四十一年

張江偉妻錢氏年二十五夫亡無子守節四十四年

姚廷琇妻邵氏年十八夫亡守節五十四年

施國惠妻楊氏年十九夫亡無子守節六十四年

以上乾隆二年恩旌

尹元松妻馬氏年二十九夫亡守節四十四年

李迢士妻曹氏年二十六夫亡守節六十四年

丁熊賸妻嚴氏年二十夫亡無子守節四十年

宋洽妻沈氏年二十八夫亡守節四十六年

吳式範繼妻郭氏年二十九夫亡無子守節五十二年

沈維新妻徐氏年二十七夫亡守節四十四年

閔啓襄妻陳氏年二十五夫亡守節三十五年

孟怡臣妻沈氏

沈益侯妻吳氏年二十九夫亡撫孤成家守節四十五年

曹儉妻潘氏

簡宏如妻沈氏

以上乾隆三年恩旌

爾揚妻朱氏年二十九夫亡守節二十七年

賈庶銀妻管氏年二十九夫亡守節二十八年

吳徵妻沈氏年二十九夫亡守節二十九年

何舍章妻鄭氏年二十四夫亡守節四十九年

張鳴鋼妻金氏

沈士秀妻陳氏

周公純妻李氏年二十夫亡子芳遠甫五月撫孤守節四十一年

卒以上並嘉慶四年題旌

時起潤妻唐氏年二十七夫亡守節三十五年

胡東升妻陸氏年二十八夫亡守節四十年子殿臣投詞及供祖塋二十餘年

張允平妻陳氏

鄭波千妻郝氏

陳武妻程氏

費顯允妻嚴氏

潘逸維妻蔡氏

嚴應麟妻陸氏

以上乾隆五年題旌

金叶蘭妻董氏年二十一夫亡守節四十三年

潘壁新妻吳氏年二十七夫亡守節三十九年

徐宏毅妻陳氏守節五十五年

陳萬象妻年三十夫亡事姑盡孝撫子紹華成立守節已三十餘

年

徐茂盈妻吳氏

閔揆妻張氏

沈宏亮妻韓氏

陸大成妻沈氏

錢鼎文繼妻沈氏

葉天佑妻丁氏

嚴朝俊妻汪氏盛氏

公際妻周氏

以上乾隆六年題

顧沫初妻張氏山西人侍巾櫛數年生一女二十三歲而寡服麤茹糲足不踰閭垂五十年

吳鈞妻蔣氏年二十六夫亡守節已二十一年

潘夏成妻戴氏年二十八夫亡守節已二十五年

張映琴妻沈氏

陸大忠妻潘氏

金聖臣妻閔氏十九歲夫亡守節三十七年

陸仁周妻屈氏廿七歲夫亡守節六十四年

許宏治妻曹氏

孔傳珍妻吳氏二十三歲夫亡孝奉翁姑撫姪爲嗣守節三十餘

年

宗聖儒妻沈氏

鍾鴻儒妻朱氏

沈弈藩妻施氏

凌祿樞未婚妻孫氏

徐紫綸妻王氏

以上乾隆七年題

焦天佑妻趙氏年二十八夫亡撫孤苦守已二十九年

徐宏進妻施氏年二十二夫亡守節四十六年

陸貞女烏鎮人父衛奴也幼字李旭文旭文商於外喪其資不能

歸客死女時年三十六聞訃即斷髮毀容守貞自矢夫家無

歸與兩兄居自食其力嘗停午不舉火無怨言 乾隆湖州府志

丁糧妻楊氏

黃明甫妻費氏

妻張氏

人妻沈氏

姚世琨妻閻氏

沈之滔妻張氏

王蘭吉妻劉氏

楊起虬妻許氏廿五歲夫亡奉姑撫孤勤儉治家守節三十五年

華鳳繼妻徐氏

閻似蘭妻李氏二十守節今已六十八年

凌綸錫妻胡氏

徐行威繼妻陳氏

以上乾隆八年題旌

溫鳴九妻莊氏年十九夫亡無子守節三十五年

乾隆時旌

張氏費景燮妻姑病割股夫死餽粥不給卒教子之圻之達登第

沈氏費天璣妻夫亡子幼繼而喪子事姑孝敬歷四十年

沈氏張帆妻年十八夫亡無子歷四十餘載足不踰閭

臧氏陳子英妻孀姑章氏得異疾每發叫號累日氏晨昏撫摩里
黨歎其賢孝

王氏沈麟妻年三十喪夫家貧撫孤康熙九年知縣鍾昌先給獎
溫氏茅允康妻歸二年夫亡苦節撫子郡縣旌表

茅氏知縣費鼎繼繼室從鼎耀赴蜀獻賊犯城茅率媳及女指一
井曰城苟陷此井卽我三人死所也盡脫簪珥犒將士城得以
完鼎耀卒教子成立垂四十年卒

陸氏凌義業妻年二十二夫亡矢志年六十餘

沈氏嚴紳妻卽亡年二十五守節年五十六

沈秀姑馬溪沈案女許字丁彥昭未歸彥昭天聞計卽坐臥一小
樓足不踰閭期年父母欲改字秀姑偵知之投繯而死康熙十
五年知府胡給匾旌獎

氏費駿妻駿早卒張矢志教子成立

沈氏嫁里民張伯慶順治九年姜某以索負爲名值伯慶他出逼
奸不從自縊死

張氏抗儒族中書費簡巷聘爲副室生子陞甫期滿巷卒氏欲從
死家人立阻之氏截髮茹素坐臥一小樓鬱抑而死

費氏吳履嘉妻夫亡茹荼三十年縣令鍾昌先旌之

陳氏沈宗甫妻甫死年僅二十撫孤成立同堂妯娌溫氏嫁沈與
京年二十二而孀無嗣與陳苦節略同

溫氏居應麒妻麒早天氏矢志撫孤歷四十餘年知縣高必騰旌
之以上京縣馬邑縣志

朱念紹繼妻王氏念紹烏程廩生以史事牽連得禍氏例當發遣
卽買一剃刀佩腰間以眷戀幼子未引決及子殤有强暴欲窺
之氏引刀自斷其喉越日卒

乾隆湖州府志

閔烈女展舍閔某女幼字凌忠介孫祖孝女長而不能娶閔之族
有詐爲凌辭婚書者父母信之將改字烈女怨凌無志行抱婚
帖投水死祖孝義之終身不娶

閔雲所繼妻龐氏年二十五夫亡子殤撫姪爲嗣教誨成人守節
四十五年

錢遜志妻顧氏布政使元鏡女二十一歲夫亡欲殉姑勸之已而
生子繩祖乃抑情節哀奉姑教子時當荒亂徭役孔急氏多方
撙括門庭肅然繩祖八歲賊掠去金帛贖之賊尚未厭氏將鳴
之官賊竟歸其孤守節四十餘年

沈君璋妻朱氏二十四歲夫亡撫子之源成立後君璋弟君琇又
早世妻潘氏守節子女俱幼無以爲生氏命之源合爨撫弟
同甘苦人稱一門雙節

沈文妻董氏幼許字未婚隨父之任溫州年二十一夫卒計至

金誓死以救解守貞在室越五年姑亡氏自溫州奔喪立姪清震爲嗣守節三十餘年氏常伯叔析箸時割產以授堅辭曰以是畀我殆以我爲分產來耶一無所取

溫氏三節溫中黃妻葉氏三十歲夫亡苦節三十年溫翔初妻周氏二十五歲夫亡苦節三十七年溫似蓮妻董氏二十九歲夫亡苦節二十六年妯娌三人甘貧守志孝事尊章撫孤成立宗黨稱之

嚴忠允繼妻潘氏年二十二夫亡遺孤三歲一夜盜至將升樓氏默禱於天抱子從樓簷跳下始免害而家貲已悉去竭力營生撫孤成立五十三歲卒

嚴學朱妻丁氏年二十八夫亡舅姑耄耋二孤幼值歲飢多外侮轉徙靡常氏善事舅姑教子有成年六十四卒督學何世璣旌之

嚴用卿妻葉氏孀居有年夫叔謀奪其志子告之遂自經死年三十

嚴清妻張氏維揚人清客黔中氏父官於黔因以女妻之已而清
孽氏還辰州販交廣間爲同行所害氏聞遣人入谿峒尋其夫
骨并調得仇人將控於官會苗變仇乘間逃去夫骨終莫可尋
氏念夫仇未報兩兒甚幼倘失教誨陷身網羅遂決計携子女
歸年五十八卒

嚴蘭妻吳氏年十九夫亡無子夫之叔將迎嫁之氏守志不回撫
六歲幼叔至長爲之婚生兩姪叔又歿復與嫡撫兩孤皆爲婚
配生姪孫二教之因以長姪爲後年六十八

嚴詒皋妻沈氏年十八夫亡無子獨處一室足不出門計終老
年九十

陸烈女許配同邑嚴更三未嫁而更三卒氏告之父母奔喪奠夫

嚴遂自經死年二十二

嚴妻張氏概漆初季子氏二十三歲夫亡無子繼姪爲嗣年節五十餘

沈宏濟妻嚴氏夫病革如有欲言氏解其意日脫不幸從君死耳夫死氏慟絕復吞糞姑急救得免卒不食而死年甫二十

嚴紹德妻戴氏侍請紱季女年十五歸嚴數載夫死誓不欲生家人晚夜防護氏祇被蒙頭每晨號泣去髮髮脫然支牀遂卒

嚴良弼妻潘氏年二十一夫亡孤幼家貧撫之成立娶婦生孫數年子孫繼嚴止一孫女相依苦節七十餘年

嚴以諧妻徐氏年二十五夫亡家貧嫡欲嫁之氏誓志不從備嘗艱苦力撫其孤至長

嚴大始妻胡氏廣東人大始父寓廣東爲商娶姜生子大始往省父父釋氏爲配踰年父歿大始往廣西經理鹽埠卒于途氏年

十六念翁與夫兩樞不可遠托異鄉且已爲嚴氏婦終當歸嚴
乃請于祖母扶兩樞攜幼叔越數千里歸依姑以處姑歿依叔
婦以居守節已三十五年

潘國瑣妻沈氏十九歲夫亡撫子嘉泰成立嘉泰欲請旌氏止之
曰守節婦人常事安用旌爲

潘加新妻許氏年二十三歲擇吉于歸加新病數日遽卒氏過門
守制十一年而歿

溫元龍妻張氏年十五許字元龍未婚游京邸南歸卒於鎮江距
聘時二十四年三十八歲聞赴奔喪立繼子守志

殷銘妻馬氏年十八夫卒家貧矢志年五十九卒守節四十一年
吳祖勉妻沈氏結婚五年夫亡年二十七六十三歲卒郡守唐
祖旌門事繼母孝孤甥撫其叔之子又甥乃以長房子訥爲
室丁巳成進士

庶芬端繼妻高氏年二十三歸甫四日姑歿越三日夫又歿京
毀守志歷三十年

范倬妻嚴氏年二十三夫亡遺孤一越兩載孤又殤遂自經死學
院吳垣給匾旌獎

沈杰妾張氏年二十九杰卒氏日夜懷刃自衛強暴不敢犯兵燹
流離子身將兩孤依親故以終

沈方求妻何氏年二十五夫亡撫繼子又夭結紵事姑姑病刲股
以療拮据勞夫又殤葬舅姑不以諉之伯叔

茅某妾莊氏烏鎮西橋人茅以成衣爲業娶莊逾年而卒舅姑欲
嫁之氏泣曰下無兒女旁無伯叔翁姑年老誰爲侍養乃勵志
苦守後翁姑歿拮据殯殮負土成墳日吾事畢矣從容自縊而
死

夏開衡妻姚氏歸開衡四年生子女各一開衡官翰林氏雷家子

楊氏爲夫置妾搗幼女同至京而女又殤開衡亦疾作瀕死屢
顧氏哽咽泣曰果有不諱我誓不獨生及卒氏閉戶投繯既
而曰吾死如靈輒何因扶輓而南過淮之日市自紼手縫命服
復買命婦冠返故廬入拜身決曰氏夫亡無子只有一死耳身
命以叔子爲嗣若曰誠善然長養成立在叔未亡人何能爲身
令家人守之氏乘左右無人服命服冠帶自縊而死沈端恪公
近思爲作傳

張翼妻戴氏翼制室子聘爲程王某女爲婦以翼托某妾以費
產後賴令休寧卒于官不數年王女沒精娶戴浩女三年王某
之子欲吞其產誘翼至某殿之垂簾擠龍溪中氏在家心動趣
人往求之身歸已不能語但瞋目視氏氏泣曰君如不諱我弱
女子不能爲君復仇且無子當以死從隨嚙一指自誓越七日
翼死氏絕粒服滿家人解之不死旣而碎磁屑吞之又不死詰

刀自裁頸已傷救之又不起後七日乘間自縊時年二十一
年珍妻陳氏南潯人結褵半載珍病革氏慰之曰孀姑有叔在妾
固有以自處矣君無憂含殮之久服衰經自縊時年二十二歲
雍正六年七月二十四日也

王蘭谷妻王氏二十三歲夫亡貧無立錐撫孤子爲娶婦其子忽
得狂疾氏痛恨而歿守節二十五年

朱保恒妻曹氏年二十八夫亡守節四十四年學院馬旌門

朱組綬妻程氏年二十九夫亡守節三十七年知府唐旌門

張種玉妻董氏二十歲夫亡撫孤子鳴鶴娶媳金氏嗣又歿姑媳

皆守已四十年

茅允廉妻溫氏

凌鳴珮妻金氏

姚德裕妻朱氏年二十五夫亡守節四十七年學院新旌門

凌國正妻陸氏年二十九夫亡守節三十九年

沈撫蒸妻徐氏

費山毓妻高氏二十七歲夫亡守節三十一年

紀曾詒妻茅氏二十三歲夫亡守節二十五年縣令吳崑旌門

葉懷芳妻陳氏二十二歲夫亡守節五十七年

陳因培繼妻康氏二十七歲夫亡拈捐葬三世守節一十七年

沈離妻董氏二十四歲夫亡守節三十餘年

朱木受妻屠氏二十六歲夫亡守節五十九年

朱木泰妻姚氏二十五歲夫亡守節五十三年

溫舜陶妻葉氏年十九夫亡守節四十年

宋琮妻沈氏二十四歲夫亡守節五十四年

蕭玆妻徐氏二十歲夫亡守節十七年卒

之璠妻張氏二十二歲夫亡無子立姪傳爲嗣娶婦陸氏雋又
天姑媳苦節四十餘年學院汪公額旌兩世冰操

姚人傑妻陸氏十九夫亡守節三十二年

嚴慈雲妻錢氏守節五十餘年

潘爾宏妻嚴氏二十一歲夫亡守節三十八年

董應祥妻姚氏年二十夫亡守節二十五年

董某妻吳氏十七歲夫亡苦節六十餘年

姚石妻陳氏年二十一夫亡守節二十八年

嚴寢昌妻吳氏守節四十三年

許之才妻朱氏年十九夫亡守節三十三年

尹文斯妻沈氏二十七歲夫亡守節二十二年卒

嚴文囑妻王氏二十四夫亡守節三十二年

沈高傳妻韓氏二十六歲夫亡守節三十一年

潘敬熙妻凌氏年三十夫亡守節十五年卒

嚴世忠妻邵氏

嚴歷耕妻孫氏年二十三夫亡守節三十四年

潘國璜妻閻氏年二十九夫亡守節三十一年

潘國璜妻鄭氏二十一歲夫亡守節四十八年

嚴承烈妻陳氏年十九夫亡守節四十一年

嚴名智妻沈氏年十九夫亡守節三十七年

潘國璜妻陳氏年十七夫亡守節三十七年

溫綺慶妻吳氏年二十七夫亡守節三十四年

張沐妻王氏年二十七夫亡守節二十七年卒

潘嗣績妻金氏年二十九夫亡守節四十年

嚴之珩妻唐氏年十八夫亡撫遺腹子成立守節四十二年

張洲妻馮氏年二十一夫亡守節五十六年

力行妻顧氏年二十五夫亡苦節三十年

程杏緒妻戴氏年二十六夫亡苦節二十四年

潘嘉觀妻吳氏年二十八夫亡苦節三十一年

生員張折妻羅氏年二十二夫亡撫孤成立守節已二十八年

生員張唱球妻賈氏年二十四夫亡守節廿二年卒

賈勉仁妻王氏年十九夫亡撫孤成立守節已三十七年

王東升未婚妻錢氏年十六夫亡奔喪欲殉樞梁瀕死數次以姑

老勸乃止守節至二十八歲姑亡喪畢暴卒

張錄妻沈氏年十八甫結婚夫亡與姑潘氏同守節家貧無嗣茹

苦四十餘年

嚴樹勳妻張氏年二十六夫亡守節四十二年

忻天佐繼妻沈氏年二十二夫亡守節四十七年

嚴峻妻章氏年二十夫亡無子守節五十七年

潘汝諧繼妻閔氏年三十夫亡守節四十四年

沈瑞徵妻施氏年二十一夫亡守節三十四年

沈震元妻毛氏年二十三夫亡守節五十六年

蔡式孟妻相氏年十六夫亡守節三十七年

嚴英妻蔣氏年二十三夫亡守節五十九年

嚴升猷妻閔氏年二十夫亡守節三十四年

張之麓繼妻薛氏年二十八夫亡歲歎家貧積勤茹素苦節四十

年縣令吳崑給匾旌門

潘啓英妻嚴氏年二十二夫亡守節

嚴樞妻董氏年十九夫亡生遺腹子守節三十五年

馮滋祖繼妻陳氏年二十九夫亡守節三十六年

嚴志妻席氏年二十一夫亡守節五十六年

潘履新妻鮑氏年二十九夫亡守節三十四年

貽昭妻毛氏夫亡苦節通族奉匱立祠

新娶陳氏年二十九夫亡苦節十年卒

馬茂妻張氏年二十夫亡苦節三十四年

鍾妻鈕氏年二十七夫亡守節四十年

潘衛新妻周氏年二十一夫亡守節三十六年

朱望儒妻高氏年二十一夫亡守節五十一年

嚴愉妻王氏年二十七夫亡守節四十二年

嚴夢麟妻金氏年二十六夫亡守節四十五年

沈德修妻朱氏年二十九夫亡守節三十餘年

沈重光妻屠氏年十六夫亡守節二十餘年卒

朱瑞華妻屠氏年二十五夫亡守節三十年

屠某妻吳氏七里人年二十三夫亡守節四十七年

嚴明甫妻金氏年二十七夫亡無子守節二十三年卒

潘奔鋪妻閔氏年二十八夫亡無子守節三十年

嚴漢章妻錢氏年二十四夫亡守節已十九年

嚴之瀚妻錢氏年二十八夫亡守節已四十餘年

潘羽明妻陸氏年二十五夫亡守節二十五年年卒

張璉妻崔氏守節二十三年

鄭惟鞠妻鄭氏鄭元慶媳二十五歲夫亡守節三十二年

嚴士鴻妻盛氏年二十七夫亡守節已四十年

嚴肅淑妻沈氏年二十七夫亡守節五十四年

閔憲妻朱氏年二十一夫亡守節五十餘年

邵受之妻夏氏年十九夫亡守節六十三年

沈文尚妻陳氏年二十夫亡守節三十年

郭子奇妻嚴氏

潘玉振妻嚴氏年二十五夫亡守節二十六年

二望妻張氏年二十二夫亡守節三十年

嚴啓光妻凌氏年二十六夫亡守節今已二十八年

潘天斗妻張氏年二十四夫亡子媳皆亡撫孩孫苦節已三十年

費爾躬妻鄭氏年二十一夫亡撫遺腹子成立苦節六十餘年

嚴楞妻顏氏年二十四夫亡守節五十三年

費左虔妻孫氏年三十夫亡守節四十餘年

費坤持妻嚴氏年二十二夫亡苦節三十餘年

唐彥襄妻嚴氏年二十四夫亡苦節七十六年

沈剡濂妻宋氏年十八夫亡守節已三十四年

嚴士登妻吳氏年二十五夫亡守節今已三十一年

嚴邦俊妻錢氏年二十夫亡無子守節已三十三年

嚴龍翰妻潘氏年二十四夫亡守節四十六年

嚴武寧妻盛氏年二十四夫亡無子守節三十三年

徐應麟妻李氏守節五十八年

許宸培妻朱氏年十九夫亡守節三十三年

陳驪妾楊氏年二十九夫亡嫡子棄傳家破氏食貧夫志撫孤成
立守節五十年

吳昂妻沈氏

吳式範妻周氏年二十七與正室郭氏相依守節歷三十年

潘旦武妻朱氏年十九夫亡無子守節四十九年

邱文襄妻沈氏年二十四夫亡守節五十九年

桂聖如妻翁氏年二十八夫亡食貧守節今已三十三年

邱貞女鐵里人許字張之璋未婚聞許女奔喪守志年方十六至
四十六歲而卒

陳貞女東林世族許字庠生潘學錦未婚而學錦卒女奔喪守志

歷今已十五年

貞女南潯世族幼許薛冠五薛以貧無行遠出久無音問父母欲改字堅不從依祖母以居年四十餘卒

李象九妻陸氏年十九夫以尋親客死無子苦節六十年

方象樞妻劉氏年二十夫亡守節二十餘年

丁志選妻費氏年二十夫亡守節二十年

鄭振麟妻吳氏年二十夫亡侍寡姑費氏守節二十年

姚宗會妻鄭氏年二十夫亡守節二十八年

陳時周妻孫氏年二十三夫亡守節四十四年

溫象予妻沈氏年二十七夫亡無子守節已二十九年

沈斯材妾吳氏姑蘇人斯材歿欲殉以二女未嫁三年喪畢返家

二女後於雍正丙午年正月三日瞻拜遺像作絕命詞自縊於

像前

金協廷妻潘氏年十七夫亡守節四十餘年

盧桂芳妻慎氏年二十八夫亡守節三十四年

沈時暉妻皇甫氏年二十九夫亡守節三十八年

邵廷秀妻潘氏年十六夫亡守節三十九年

周懷之妻閔氏年二十四夫亡守節三十六年

閔遇妻朱氏年二十四夫亡家貧無子苦節二十六年而卒

潘佩珩妻陳氏年二十九夫亡守節二十七年而卒

潘廷榛妻計氏年二十六夫亡守節二十六年卒

潘廷枚妻姚氏年二十七夫亡守節二十七年卒

陳瑞卿妻蔣氏年二十九夫亡守節二十八年卒

畢順之妻施氏年二十九夫亡守節四十二年

朱御六妻童氏年二十五夫亡守節已二十四年

潘志發妻盧氏年二十八夫亡守節已二十五年

王宇明妻沈氏年二十五夫亡守節四十九年

誠妻潘氏年二十五夫亡守節三十五年

三三妻潘氏年二十六夫亡守節已十六年

潘俊臣妻朱氏年二十八夫亡守節三十一年

楊之儻妻胡氏年三十夫亡撫姪成立守節已二十五年

南潯人新府志

俱入歸安

嚴氏模妻黃氏年二十四夫亡守節十七年卒

潘家麒妻羅氏年二十六夫亡守節已二十五年

潘家麟妻沈氏年二十三夫亡守節已二十六年

談介眉妻張氏年二十五夫亡守節三十二年

宋廷揚妻陳氏農家女廷揚商於蜀五載不歸氏事翁盡孝廷揚

卒於楚中氏聞計慟絕夜半投繯死年二十八時甚暑顏色如

生縣令薛景珪給匾旌門

沈樹功繼妻費氏年二十八夫亡事姑操子傳極艱辛康熙間縣

令李應蛟給國旌門後以子瑋得封安人守節七十年

嚴貞女庠生吳在清聘繼未婚守志時年二十六守貞已二十五年

王在茲妻陸氏妻謝氏夫亡陸年二十九守節四十五年謝年二十守節四十三年郡守唐紹祖給國旌門

張載陽妻沈氏年十七夫亡守節二十六年卒

朱餘安妻邱氏

康偉人妻董氏年二十六夫亡守節三十八年卒

嚴世王妻吳氏年二十一夫亡守節四十二年舉院為旌門

費士廉妻章氏年二十八夫亡守節三十四年

毛羽皇妻沈氏年二十四夫亡守節六十三年

沈緯參妻嚴氏年十九夫亡守節六十二年

鍾于文妻于氏年二十四夫亡無子守節三十三年

施觀賢妻張氏年二十三夫亡守節五十五年

嚴兆瑞妻張氏年二十四夫亡苦節十八年而卒

溫迪三妻邱氏年二十一夫亡撫遺腹子成立守節四十三年

溫廷光妻嚴氏年二十一夫亡守節已二十九年

嚴煥文妻潘氏年三十夫亡教子成立守節三十二年

嚴臨妻張氏年二十七夫亡無子苦節四十三年

潘學祺妻梁氏年二十三夫亡守節已二十年

陳法妻沈氏二十九歲夫亡守節已三十一年

朱復言妻韓氏年二十五夫亡守節三十七年

張士寧妻嚴氏年二十七夫亡撫姪爲嗣守節二十五年邑令羅

旌門

陳俊良妻俞氏年二十夫亡無子苦志自守歷今四十四年

嚴爾發妻朱氏年十八而嫁七日夫亡守節已二十年

錢陳元妻胡氏夫歿氏年二十勉力營葬苦節十八年

屠瑞文妻嚴氏守節三十餘年

韓兆登妻吳氏年三十夫亡守節五十一年

張華紀妻閔氏肇紀病迎氏過門不及合卺而卒氏孝養舅姑守

貞五十年

王熙衡妻徐氏年二十七夫亡守節四十七年

李浩妻沈氏年二十六夫亡守節四十八年邑令劉旌門以上俱湖州府

志

周之輯妻潘氏年二十六夫亡守節五十四年

莊之琳繼妻沈氏年二十二夫亡守節六十一年

胡其燦妻許氏年二十一夫亡無子守節三十三年

程國楷妻倪氏年二十五夫亡撫遺腹苦節十九年卒

楊廷瑩妻錢氏年二十一夫亡苦節二十九年

李妻潘氏雍正七年八月夫亡無二氏拮据殯斂越三日自
邑令薛景珏躬自臨奠

李妻葉氏年二十九守志三十七年同媳陸氏子璫妻年二
十九守志已三十一年學院彭旌曰兩世貞操

李妻女七里人乾隆六年許字南潯張振麟甫三月亡女號慟不
食而死

沈烈女後潘村沈秀如女許字寧起乾隆九年八月三十日起病
故女聞計號慟卽於是晚赴冰死

沈武成妻吳氏年二十九夫亡守節已二十六年
張之經妻顧氏年二十八夫亡守節歷三十餘年

李君燦妻周氏夫亡家貧無子不食十日未死以木擊胸而死
閔德瑞妻沈氏十九守志今已四十三年

李天柱妻覃氏夫亡無子守節三十年撫姪能成立乾隆七年旌

錢師韓妻貝氏呈寡撫姪天府爲子守節五十二年天府天無子
妻謝氏守節三十一年

費金蘭妻沈氏二十九歲夫亡守節二十五年

楊芳春妻邱氏二十五歲夫亡無嗣苦節已三十七年

王有聲妻李氏二十一歲夫亡守節已三十七年

計鳴岐妻沈氏二十二歲夫亡守節二十五年

陸世賢妻陳氏年二十九夫亡撫孤守節四十餘年學院馬旌門

朱纓妻俞氏二十八歲夫亡守節四十六年

費波千妻劉氏年二十五夫亡守節二十五年

張君瑞妻邱氏年二十二夫亡守節至九十餘歲卒縣令羅旌門

劉天錫妻張氏年二十九夫亡守節五十四年

太學生沈之銓妻戴氏年二十四夫亡撫孤守節已二十八年

吳孝琦妻周氏年十八夫亡守節已二十五年

彭妻費氏年二十六夫亡撫孤守節已二十五年

楊允恭妻沈氏年二十九夫亡守節已三十四年

楊容若妻許氏年二十三夫亡守節已三十一年現請題旌

袁德滋妻姚氏年二十四夫亡守節二十七年

楊文煒妻湯氏年二十八夫亡守節六十一年以下四氏俱南潯人新府志誤入歸安

楊榮先妻褚氏年二十九夫亡守節三十年邑令旌門

楊子相妻顧氏年二十八夫亡守節二十九年

楊士鉅妻沈氏年二十九夫亡守節二十四年

李山學妻王氏年二十九夫亡家酷貧撫孤苦節已二十五年

朱培生妻鄭氏年十七夫亡無子守節至八十一歲

生員王廷襄妻續氏年二十九歲夫亡守節已三十四年

續星來妻宋氏年二十六夫亡守節三十四年學憲馬旌門

潘必召妻李氏年二十六夫亡守節四十二年

丁映妻戚氏年二十九夫亡撫孤成立苦節二十六年題旌

周士行妻許氏年二十五夫嫡俱亡勉力撫孤苦節五十一年

沈鳴舉妻屠氏夫亡止三女俱爲擇嫁家貧事姑孝惟勤紡績以

資朝夕守節二十餘年卒

國學生沈繩祖妻凌氏二十歲夫亡訓子見龍慈以兼嚴事姑竭

力姑病時雖暑月衣不解帶湯藥必親至于事先爲親爲後校

公潔遠近稱孝婦焉

潘瀛秀康熙甲午舉人妻邵氏十八歲夫亡無子止三女孝重

舍姑撫幼成名守節四十年卒